



Broj: 01-50-1-15-34/16
Sarajevo, 2.8.2016.

PRIMLJENO: 21.08.2016			
Organizaciona jedinica	Komisijonska oznaka	Redni broj	Broj priloga

ZAPISNIK
34. sjednice Predstavničkog doma
Parlamentarne skupštine Bosne i Hercegovine,
održane 1.8.2016.

Sjednica je počela u 10,10 sati. Prisustvovalo je 37 poslanika.

Odsustvo su opravdali: Maja Gasal-Vražalica, Saša Magazinović, Milica Marković, Staša Košarac i Miroslav Milovanović.

Sjednici su prisustvovali predsjedavajući i članovi Vijeća ministara BiH, predstavnici Uprave za indirektno oporezivanje BiH i Agencije za prevenciju korupcije i koordinaciju borbe protiv korupcije.

Iz međunarodnih organizacija sjednicu su pratili predstavnici OHR-a, OSCE-a i EUSR-a, a iz nevladinih organizacija prisustvovao je predstavnik CCI-ja, te predstavnici američke, britanske i hrvatske ambasade u BiH.

Predsjedavajući Doma Mladen Bosić rekao je da će poslanicima, u skladu s članom 171. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 172. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- Dušanka Majkić - ministru pravde BiH
- Senad Šepić – predsjedavajućem Vijeća ministara BiH
- Denis Bećirović – predsjedavajućem Vijeća ministara BiH
- Mirsad Mešić – ministru komunikacija i prometa BiH
- Jasmin Emrić – ministru finansija i trezora BiH
- Damir Bećirović – predsjedavajućem Vijeća ministara BiH
- Salko Sokolović – ministru vanjske trgovine i ekonomskih odnosa BiH
- Safer Demirović – ministru sigurnosti BiH
- Mensura Beganović – ministru vanjske trgovine i ekonomskih odnosa BiH
- Hanka Vajzović - predsjedavajućem Vijeća ministara BiH

Ove najave su, u skladu s članom 168. Poslovnika, dostavljene predsjedavajućem Vijeća ministara BiH i onom članu Vijeća ministara BiH na kojeg se pitanje odnosi. Predsjedavajući je podsjetio da je osiguran direktan TV prijenos ovog dijela sjednice, u skladu s članom 171. stav (1) Poslovnika.

Nakon ovih napomena, pristupilo se usmenom postavljanju poslaničkih pitanja i davanju odgovora redoslijedom dostavljanja najava.

Dužanka Majkić

Pitanje upućeno ministru pravde BiH: „Poznato je da su bila dva napada u posljednje samo vrijeme, da je jedan napad bio na pravoslavni praznik Vaskrs, gdje su pretučeni osuđenici srpske nacionalnosti, a drugi nedavno je bio na Roberta Jusića koji je takođe doživio maltretiranja, i to ne prvi put. O ovom problemu je bilo riječi i u nekoliko posljednjih izvještaja ombudsmena za ljudska prava kada je sugerisano da Ministarstvo pravde preuzme ulogu koordinatora između entitetskih ministarstava pravde i da se omogući rješavanje ovog problema, a to znači da osuđenici borave, da se premjeste u zatvore koji su bliže njihovim porodicama. Dakle, oni na to pravo imaju, treba stvoriti i zakonske preduslove za to, Republika Srpska je svoj dio posla odradila, čini mi se da Federacija zateže. Pošto ste Vi i po ovom izvještaju ombudsmena zamišljeni kao koordinatori da iskoordinirate tu aktivnost, da bi se to što prije završilo i da se ovakvi slučajevi ne bi ponavljali, molim Vas da mi kažete – Šta ste na tom planu učinili i da li mislite da će se uskoro ovaj problem završiti ili staviti tačka, kako se ne bi ponavljao?“¹

Ministar pravde BiH Josip Grubeša dao je odgovor. Poslanica Dužanka Majkić izrazila je zadovoljstvo odgovorom i zatražila odgovor u pisanoj formi.

Senad Šepić uputio je pitanje predsjedavajućem Vijeća ministara BiH Denisu Zvizdiću. Poslanik Senad Šepić rekao da će pitanje ponoviti na narednoj sjednici na kojoj bude omogućeno postavljanje pitanja u usmenoj formi.

Denis Bećirović

Pitanje upućeno predsjedavajućem Vijeća ministara BiH: „U posljednjih, posebno u posljednjih pet godina traju kontinuirani i planski udari prema državi Bosni i Hercegovini od strane pojedinih organa i predstavnika iz entiteta Republika Srpska. Bilo bi krajnje naivno misliti da je to neka stihijska aktivnost. Ja ovdje javno želim reći da je u pitanju planska aktivnost koja se ciljano izvodi na bazi određenih dokumenata. Udar se, dakle, izvodi na državu Bosnu i Hercegovinu i na bazi dokumenta kojeg su napravili inozemni lobisti i koji su dostavili taj dokument predstavnicima Republike Srpske. Ključne riječi u tom dokumentu su sporazumna država, Bosna i Hercegovina državna zajednica, Vijeće ministara se sastavlja, samostalna Republika Srpska u dejtonskoj Bosni i Hercegovini, dakle, sve ono što smo uporno slušali ovih pet godina nalazi se u tom dokumentu. Postavljam pitanje predsjedavajućem Vijeća ministara – Da li kao predsjedavajući Vijeća ministara BiH znate za taj dokument pomoću kojeg Milorad Dodik i njegovi sljedbenici planski razaraju državu Bosnu i Hercegovinu i njene institucije?“²

Predsjedavajući Vijeća ministara BiH Denis Zvizdić dao je odgovor. Poslanik Denis Bećirović komentirao je dati odgovor.

¹ Izvod iz neautoriziranog transkripta 34. sjednice Predstavničkog doma Parlamentarne skupštine BiH

² Izvod iz neautoriziranog transkripta 34. sjednice Predstavničkog doma Parlamentarne skupštine BiH

Mirsad Mešić uputio je pitanje ministru komunikacija i prometa BiH Ismiru Jusku. Ministar nije prisustvovao sjednici, pa je poslanik Mirsad Mešić rekao da će pitanje postaviti na narednoj sjednici na kojoj bude omogućeno postavljanje pitanja u usmenoj formi

Jasmin Emrić

Pitanje upućeno ministru finansija i trezora BiH: „Pitanje koje zanima Udruženje poslodavaca Federacije BiH glasi – Kad će Upravni odbor Uprave za indirektno oporezivanje usvojiti Pravilnik o izmjenama i dopunama Pravilnika o primjeni Zakona o PDV-u koji se odnosi na izmjenu odredaba člana 94. i 95. Pravilnika?”³

Odgovor je dao ministar finansija i trezora BiH Vjekoslav Bevanda. Poslanik Jasmin Emrić komentirao je dati odgovor i zatražio odgovor u pisanoj formi.

Damir Bećirović

Pitanje upućeno predsjedavajućem Vijeća ministara BiH: „Da li je tačno da Vi kao ministri, izuzev ministrice odbrane i ministra sigurnosti u Vijeću ministara BiH, nemate dozvolu za pristup podacima označenim s TAJNO i VRLO TAJNO? Zbog čega kao predsjedavajući Vijeća ministara BiH, a u skladu s članom 35. Zakona o zaštiti tajnih podataka BiH, niste pokrenuli proceduru pribavljanja dozvola za pristup podacima označenim s TAJNO i VRLO TAJNO, za Vas kao i za sve ostale članove Vijeća ministara BiH, izuzev ministrice odbrane i ministra sigurnosti?”

Predsjedavajući Vijeća ministara BiH Denis Zvizdić dao je odgovor. Poslanik Damir Bećirović komentirao je dati odgovor.

Salko Sokolović

Pitanje upućeno ministru vanjske trgovine i ekonomskih odnosa BiH: „Kada će Ministarstvo vanjske trgovine i ekonomskih odnosa BiH, u saradnji s Upravnim odborom Uprave za indirektno oporezivanje BiH (daju mišljenje), u parlamentarnu proceduru dostaviti Zakon o izmjenama i dopunama Zakona o akcizama u BiH, a sve s ciljem oslobađanja dizel-goriva od dodatnih opterećenja?”

Odgovor na pitanje dao je ministar vanjske trgovine i ekonomskih odnosa BiH Mirko Šarović. Poslanik Salko Sokolović komentirao je dati odgovor.

Safer Demirović

Pitanje upućeno ministru sigurnosti BiH: „Na jednoj od prošlih sjednica Vijeća ministara BiH bilo je predviđeno uspostavljanje koordinacionog tijela za borbu protiv terorizma. Interesira me u kojoj je fazi uspostavljanje ovog tijela, koji bi bili njegovi zadaci i, naravno, potreba njegovog uspostavljanja.“

Ministar sigurnosti BiH Dragan Mektić nije prisustvovao sjednici. Poslanik Safer Demirović zatražio je odgovor u pisanoj formi.

Mensura Beganović

Pitanje upućeno ministru vanjske trgovine i ekonomskih odnosa BiH: „Koliki je gubitak petrojela BiH zbog energetskih sankcija Ministarskog vijeća Energetske zajednice koje su uvedene prema Bosni i Hercegovini od oktobra 2015. godine do danas?”

³ Izvod iz neautoriziranog transkripta 34. sjednice Predstavničkog doma Parlamentarne skupštine BiH

Odgovor na pitanje dao je ministar vanjske trgovine i ekonomskih odnosa BiH Mirko Šarović. Poslanica Mensura Beganović izrazila je zadovoljstvo datim odgovorom i zatražila ga u pisanoj formi.

Hanka Vajzović

Pitanje upućeno predsjedavajućem Vijeća ministara BiH: „Šta je do sada Vijeće ministara (aktuelni saziv) uradilo u pogledu reforme javne uprave i preispitivanja opravdanosti postojanja pojedinih državnih institucija (agencija, direkcija, instituta, ureda, komisija i sl.), što je s početka ovog mandata (dakle, prije gotovo jednu i po godinu) najavljivano kao posebno važna aktivnost s ciljem racionalizacije ljudskih resursa, dakle smanjenja administracije, ali i drugih ušteda javne potrošnje (iznajmljivanje prostora, prateće službe, menadžment po „nacionalnom ključu“, pa njihovi kabineti, vozila i vozači, upravni i nadzorni odbori itd.)?“

Predsjedavajući Vijeća ministara BiH Denis Zvizdić dao je odgovor na postavljeno pitanje. Poslanica Hanka Vajzović komentirala je dati odgovor i zatražila ga u pisanoj formi.

U vezi sa izmjenama i dopunama dnevnog reda sjednice, predsjedavajući je napomenuo sljedeće:

Na dnevni red dodate su:

Tačka 3. Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika, zakon broj: 01-02-1-2063/16, od 28.7.2016.

Tačka 10. Zahtjev Privremene zajedničke komisije oba doma Parlamentarne skupštine Bosne i Hercegovine za produženje roka za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1197-3/16, od 20.7.2016., i

Tačka 14. Izvještaj o utvrđivanju Rang-liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, materijal Komisije za izbor i praćenje rada Agencije za prevenciju korupcije i koordinaciju borbe protiv korupcije, broj: 01,02-34-1-1932/16, od 13.7.2016.

S dnevnog reda, u skladu sa zahtjevom Komisije za finansije i budžet, skinute su:

Tačka 3. Prijedlog zakona o izmjenama i dopunama Zakona o akcizama u Bosni i Hercegovini, predlagatelj: Vijeće ministara BiH, zakon broj: 01,02-02-1-1853/16, od 7.7.2016. (prvo čitanje), skraćeni postupak

Tačka 4. Prijedlog zakona o izmjeni Zakona o sistemu indirektnog oporezivanja u Bosni i Hercegovini, predlagatelj: Vijeće ministara BiH, zakon broj: 01,02-02-1-1854/16, od 7.7.2016. (prvo čitanje), skraćeni postupak

Tačka 5. Prijedlog zakona o izmjenama i dopuni Zakona o uplatama na jedinstveni račun i raspodjeli prihoda, predlađač: Vijeće ministara BiH, zakon broj: 01,02-02-1-1855/16, od 7.7.2016. (prvo čitanje), skraćeni postupak.

U skladu sa zahtjevom Zajedničke komisije za ljudska prava PSBiH skinuta je

Tačka 16. Razmatranje poslaničke inicijative Maje Gasal-Vražalice, podnesene 12.7.2016., koja glasi: *“Zadužuje se Vijeće ministara BiH da, najkasnije u roku od 60 dana od dana usvajanja ove inicijative u Predstavničkom domu Parlamentarne skupštine BiH, sačini i u parlamentarnu proceduru dostavi izvještaj o mladima u Bosni i Hercegovini”*, akt broj: 01-50-1-1906/16.

Nakon ovih napomena, predsjedavajući je otvorio raspravu o dnevnom redu sjednice.

U raspravi su učestvovali: Denis Bećirović i Mirsad Mešić.

Denis Bećirović predložio je dopunu dnevnog reda tačkom: „Prijedlog zaključaka Predstavničkog doma Parlamentarne skupštine BiH povodom zakazivanja antidejtonskog, antiustavnog i nelegalnog referenduma u bosanskohercegovačkom entitetu RS kojim se najozbiljnije ugrožavaju mir i mirovni proces u državi Bosni i Hercegovini.“

Predsjedavajući je dao na glasanje ovaj prijedlog. „Za“ su glasala 22 poslanika (iz Federacije BiH 21, iz Republike Srpske jedan), 13 je bilo „protiv“ i dva „suzdržana“. Predsjedavajući je konstatirao da nema potrebne entitetske većine. Kolegij kao komisija nije postigao saglasnost. U drugom krugu glasanja prijedlog za dopunu dnevnog reda **nije usvojen**. „Za“ su glasala 22 poslanika, 13 je bilo „protiv“ (iz Federacije BiH tri, iz Republike Srpske deset) i dva „suzdržana“.

Nakon rasprave, predsjedavajući je konstatirao da 34. sjednica Predstavničkog doma ima sljedeći

DNEVNI RED

1. Usvajanje Zapisnika 33. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika, zakon broj: 01-02-1-2063/16, od 28.7.2016.;
4. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlađač: Vijeće ministara BiH, broj: 01,02-02-1-33/15, od 25.1.2016. (prvo čitanje);
5. Prijedlog zakona o pružanju besplatne pravne pomoći, predlađač: Vijeće ministara BiH, broj: 01,02-02-1-1789/16, od 28.6.2016. (prvo čitanje);
6. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlađač: Vijeće ministara BiH, zakon broj: 01,02-02-1-1510/16, od 13.7.2016. (prvo čitanje);
7. Prijedlog zakona o izmjeni Zakona o plaćama i naknadama u institucijama Bosne i Hercegovine, predlađač: poslanik Damir Arnaut, zakon broj: 01-02-1-1950/16, od 18.7.2016. (prvo čitanje);

8. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o zabrani diskriminacije (predlagač: Vijeće ministara BiH, zakon broj: 01,02-02-1-341/16, od 4.3.2016.)
9. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u dramskom prijevozu (predlagač: Vijeće ministara BiH, zakon broj: 01,02-02-1-34/15, od 1.3.2016.);
10. Zahtjev Privremene zajedničke komisije oba doma Parlamentarne skupštine Bosne i Hercegovine za produženje roka za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1197-3/16, od 20.7.2016.;
11. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2015. godinu, materijal Ministarstva vanjske trgovine i ekonomskih odnosa BiH, broj: 01,02-28-1927/16, od 14.7.2016.;
12. Izvještaj o radu Agencije za prevenciju korupcije i koordinaciju borbe protiv korupcije za 2015. godinu, broj: 05/8-50-19-1157/16, od 15.4.2016.;
13. Izvještaj o pojavama diskriminacije u Bosni i Hercegovini s Akcionim planom za realizaciju prijedloga mjera za sprečavanje diskriminacije u Bosni i Hercegovini, podnosilac: Ministarstvo za ljudska prava i izbjeglice BiH, materijal broj: 03/6-37-1569-1/16, od 1.6.2016.;
14. Analiza reforme obrazovanja u Bosni i Hercegovini, materijal Vijeća ministara BiH, broj: 01-50-1-415/16, od 14.7.2016. (realizacija poslaničke inicijative usvojene na 25. sjednici Predstavničkog doma PSBiH, održanoj 16.2.2016.);
15. Izvještaj o utvrđivanju Rang-liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, materijal Komisije za izbor i praćenje rada Agencije za prevenciju korupcije i koordinaciju borbe protiv korupcije, broj: 01,02-34-1-1932/16, od 13.7.2016.;
16. Izbor člana Visokog sudskog i tužilačkog vijeća BiH, u skladu s članom 4. stav (1) tačka n) Zakona o Visokom sudskom i tužilačkom vijeću Bosne i Hercegovine, materijal Visokog sudskog i tužilačkog vijeća BiH, broj: 01-08-1968/16, od 20.7.2016.;
17. Izvještaj o utvrđivanju prijedloga kandidata za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, materijal Privremene zajedničke komisije oba doma PSBiH za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, broj: 01,02-374-1-1963/16, od 19.7.2016.;
18. Prijedlog zaključka o formiranju Interresorne radne grupe, predlagač: Zajednički kolegij oba doma PSBiH, broj: 01,02-34-1-1982/16, od 20.7.2016.;
19. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure izbora tri člana Upravnog odbora Agencije za razvoj visokog obrazovanja i osiguranje kvaliteta, predlagač: Zajednički kolegij oba doma PSBiH, broj: 01,02-34-1-1838-3/16 od 20.7.2016.;
20. Davanje saglasnosti za ratifikaciju Sporazuma između Vijeća ministara BiH i Vlade Kraljevine Saudijske Arabije o saradnji u oblasti borbe protiv kriminala, materijal Predsjedništva BiH, broj: 01,02-05-2-1974/16, od 20.7.2016.

Ad.1. Usvajanje Zapisnika 33. sjednice Predstavničkog doma Parlamentarne skupštine BiH

Nakon uvodnih napomena predsjedavajućeg, nije bilo prijavljenih za raspravu.

Zapisnik 33. sjednice usvojen je s 34 glasa „za“ (iz Federacije BiH 25, iz Republike Srpske devet), bez glasova „protiv“ i dva glasa „suzdržan“.

Ad.2. Komentari na dobivene odgovore na poslanička pitanja

Predsjedavajući je podsjetio da su, u skladu s članom 170. Poslovnika, do ove sjednice Doma pitanja u pisanoj formi postavili poslanici:

- **Jasmin Emrić** – postavio pitanje Vijeću ministara BiH i Upravi za indirektno oporezivanje
- **Saša Magazinović** – postavio četiri pitanja Ministarstvu odbrane BiH
- **Hanka Vajzović** - uputila inicijativu Vijeću ministara BiH
- **Aleksandra Pandurević** – postavila četiri pitanja Vijeću ministara BiH

Sadržaj postavljenih pitanja i inicijativa je sljedeći:

Jasmin Emrić

Pitanje postavljeno Vijeću ministara BiH i Upravi za indirektno oporezivanje: „Koje aktivnosti su vođene u ovoj godini, šta je urađeno, te u kojoj je fazi realizacija poslaničke inicijative broj: 01-50-1-1471/15, od 17.11.2015., i Zaključka Predstavničkog doma PSBiH, broj: 01-50-1-15-21/15, od 10.12.2015.“

Saša Magazinović

Pitanja postavljena Ministarstvu odbrane BiH:

1. „Koliko je vojnika po internim oglasima primljeno u profesionalnu vojnu službu u činu podoficira u Oružanim snagama BiH, u periodu od 1.4.2015. do 30.6.2016.? Molim vas da mi dostavite spisak primljenih i za svakog od njih da navedete mjesto prebivališta.
2. Koliko je vojnika primljeno u profesionalnu vojnu službu u Oružanim snagama BiH, u periodu od 1.4.2015. do 30.6.2016.? Molim vas da mi dostavite spisak primljenih vojnika i za svakog od njih da navedete mjesto prebivališta.
3. Ministarstvo odbrane BiH u protekloj godini dana primilo je i više državnih službenika, te vas molim da mi za period od 1.4.2015. do 30.6.2016. dostavite spisak svih primljenih državnih službenika (na javnim i internim konkursima) uključujući i pozicije na koje su primljeni, prosjek ocjena i mjesto prebivališta primljenog lica.
4. Ministarstvo odbrane BiH je 11.3.2016. objavilo javni konkurs za prijem devet pripravnika. Molim da mi navedete imena, prosjek ocjena i mjesto prebivališta pripravnika koji su primljeni.“

Hanka Vajzović

Inicijativa upućena Vijeću ministara BiH: „Zadužuje se Vijeće ministara BiH da u roku od 60 dana pripremi i Predstavničkom domu dostavi informaciju o institucijama u nadležnosti Vijeća ministara

BiH, koje bi, po njihovoj procjeni trebale (u neko dogledno vrijeme – tokom njihovog mandata) biti predmet revizije, prestrukturiranja, integriranja ili ukidanja – dakle sve ono što su u izvršnoj vlasti planirali u tom pogledu uraditi i obećavali da će u svjetlu Reformske agende biti urađeno.“

Aleksandra Pandurević

Pitanja postavljena Vijeću ministara BiH:

1. „Koliko ima ukupno zaposlenih u Agenciji za statistiku BiH i koliko ih je s mjestom prebivališta u Republici Srpskoj?
2. Koliko ima zaposlenih rukovodećih državnih službenika – direktor, zamjenici direktora, pomoćnici direktora, uključujući i šefove unutrašnjih organizacionih jedinica u Agenciji za statistiku BiH i koliko ih je iz Republike Srpske?
3. Koja je nacionalna struktura zaposlenih u Agenciji za statistiku BiH?
4. Koja je nacionalna struktura rukovodećih državnih službenika – direktor, zamjenici direktora, pomoćnici direktora, uključujući i šefove unutrašnjih organizacionih jedinica?“

Tokom sjednice poslanik **Senad Šepić** postavio je pitanje i uputio inicijativu Vijeću ministara BiH i Ministarstvu vanjske trgovine i ekonomskih odnosa BiH.

Sadržaj postavljenog pitanja i inicijative je sljedeći:

Pitanje postavljeno Vijeću ministara BiH i Ministarstvu vanjske trgovine i ekonomskih odnosa BiH:

„Šta Vijeće ministara BiH konkretno radi na utvrđivanju prioritetne liste poljoprivrednih proizvoda za podršku izvozu, posebno u zemlje EU?“

Inicijativa upućena Vijeću ministara BiH i Ministarstvu vanjske trgovine i ekonomskih odnosa BiH:

„Predlažem da Vijeće ministara BiH i druge nadležne institucije sistemski urede i utvrde princip sigurnog otkupa i zagarantirane cijene poljoprivrednih proizvoda u BiH, po uzoru na mnoge pozitivne primjere u EU i regionu, s ciljem zaštite i pravovremene garancije sigurnosti poljoprivrednika u našoj zemlji.“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- Na pitanja **Senada Šepića**, postavljena u pisanoj formi na 29., 30., 31. i 32. sjednici sjednici, te na inicijativu podnesenu na 32. sjednici odgovore dostavilo Vijeće ministara BiH
- Na pitanje **Safera Demirovića**, postavljeno u usmenoj formi na 31. sjednici, odgovor dostavilo Vijeće ministara BiH
- Na pitanje **Šefika Džaferovića**, postavljeno u usmenoj formi na 31. sjednici, odgovor dostavilo Vijeće ministara BiH
- Na pitanje **Maje Gasal-Vražalice**, postavljeno u usmenoj formi na 31. sjednici, odgovor dostavilo Vijeće ministara BiH
- Na pitanje **Salka Sokolovića**, postavljeno u pisanoj formi na 32. sjednici, odgovor dostavilo Vijeće ministara BiH, te na pitanje postavljeno u usmenoj formi na 31. sjednici, odgovor dostavilo Ministarstvo vanjske trgovine i ekonomskih odnosa BiH
- Na pitanje **Amira Fazlića**, postavljeno u usmenoj formi na 31. sjednici, odgovor dostavilo Vijeće ministara BiH

- Na pitanje Diane Zelenike, postavljeno u pisanoj formi na 31. sjednici, odgovor dostavilo JP Autoceste FBiH

Dostavljene odgovore komentirali su poslanici Senad Šepić, Nikola Lovrinović i Salko Sokolović.

Senad Šepić izrazio je nezadovoljstvo i zatražio je dopunu odgovora na tri pitanja i jednu inicijativu, upućene Vijeću ministara BiH. Pitanja se odnose na: zaključivanje Sporazuma o socijalnom osiguranju s Kanadom, zapošljavanje mladih sredstvima novog kredita MMF-a, trend broja zaposlenih i nezaposlenih u Bosni i Hercegovini u 2016. godini i trend investicija u BiH za period 2016. – juni 2016. godine, s uporednim pokazateljima s 2014. godinom.

Nikola Lovrinović zatražio je urgenciju za dostavljanje odgovora od RTV-a Federacije BiH, te insistirao da se zapisnički konstatira da od Tužilaštva Bosne i Hercegovine nije dobio odgovore na pitanja postavljena prije godinu dana.

Salko Sokolović zatražio je dopunu odgovora na pitanja postavljena Vijeću ministara BiH, a tiču se naknade za prijevoz na posao i s posla za zaposlene u institucijama BiH.

Ad.3. Zahtjev poslanika Mirsada Mešića za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, u skladu s članom 133. Poslovnika, zakon broj: 01-02-1-2063/16, od 28.7.2016.

Predsjedavajući je dao uvodne napomene i otvorio raspravu o proceduri. Diskutirao je Fehim Škaljić.

Zatim se prešlo na glasanje o Zahtjevu za hitni postupak. „Za“ je glasao 21 poslanik (iz Federacije BiH 19, iz Republike Srpske dva), sedam je bilo „protiv“ i devet „suzdržanih“. Predsjedavajući je konstatirao da nema potrebne entitetske većine, te će Kolegij kao komisija obaviti naknadno usaglašavanje.

Ad.4. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagatelj: Vijeće ministara BiH, broj: 01,02-02-1-33/15, od 25.1.2016. (prvo čitanje)

Predsjedavajući je dao uvodne napomene i otvorio raspravu. U raspravi su učestvovali: Damir Bećirović, Dušanka Majkić, Aleksandra Pandurević, Fehim Škaljić, Momčilo Novaković, Zaim Backović, Borjana Krišto, Nermina Kapetanović, Predrag Kožul i Hazim Rančić.

Dom je, s 27 glasova „za“ (iz Federacije BiH 20, iz Republike Srpske sedam), dva „protiv“ i šest glasova „suzdržan“, usvojio u prvom čitanju Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

Na prijedlog nadležne Komisije za saobraćaj i komunikacije, s 30 glasova „za“ (iz Federacije BiH 23, iz Republike Srpske sedam), bez glasova „protiv“ i pet glasova „suzdržan“, Dom je usvojio zaključak koji glasi: „*Predstavnički dom Parlamentarne skupštine BiH zadužuje Komisiju za saobraćaj i komunikacije Predstavničkog doma da u roku do 45 dana provede javnu raspravu o Prijedlogu zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.*“

Ad.5. Prijedlog zakona o pružanju besplatne pravne pomoći, predlađač: Vijeće ministara BiH, broj: 01,02-02-1-1789/16, od 28.6.2016. (prvo čitanje)

Nakon uvodnih napomena, otvorena je rasprava. Nije bilo prijavljenih.

Dom je, s 27 glasova „za“ (iz Federacije BiH 20, iz Republike Srpske sedam), dva „protiv“ i šest glasova „suzdržan“, usvojio u prvom čitanju Prijedlog zakona o pružanju besplatne pravne pomoći.

Ad.6. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlađač: Vijeće ministara BiH, zakon broj: 01,02-02-1-1510/16, od 13.7.2016. (prvo čitanje)

Nakon uvodnih napomena, otvorena je rasprava. Nije bilo prijavljenih.

Dom je, s 26 glasova „za“ (iz Federacije BiH 19, iz Republike Srpske sedam), dva „protiv“ i sedam glasova „suzdržan“, usvojio u prvom čitanju Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine.

Ad.7. Prijedlog zakona o izmjeni Zakona o plaćama i naknadama u institucijama Bosne i Hercegovine, predlađač: poslanik Damir Arnaut, zakon broj: 01-02-1-1950/16, od 18.7.2016. (prvo čitanje)

Nakon uvodnih napomena, otvorena je rasprava. U raspravi su učestvovali: Damir Arnaut, Predrag Kožul i Zaim Backović.

Nakon rasprave, predsjedavajući je na glasanje dao Prijedlog zakona. „Za“ su glasala 23 poslanika (iz Federacije BiH 20, iz Republike Srpske tri), jedan je bio „protiv“ i 12 „suzdržanih“. Predsjedavajući je konstatirao da nema potrebne entitetske većine, te će Kolegij kao komisija obaviti naknadno usaglašavanje o Prijedlogu zakona o izmjeni Zakona o plaćama i naknadama u institucijama Bosne i Hercegovine u prvom čitanju.

Ad.8. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o zabrani diskriminacije (predlađač: Vijeće ministara BiH, zakon broj: 01,02-02-1-341/16, od 4.3.2016.)

Predsjedavajući je dao uvodne napomene.

Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o zabrani diskriminacije usvojen je s 31 glasom „za“ (iz Federacije BiH 24, iz Republike Srpske osam), bez glasova „protiv“ i pet glasova „suzdržan“. Time je usvojen i Amandman I. koji glasi:

Amandman I.

U Prijedlogu zakona o izmjenama i dopunama Zakona o zabrani diskriminacije, u članu 6. u stavu (2) rečenica: „Iza stava (1) dodaje se novi stav (2) koji glasi:“ mijenja se i glasi: „Stav (2) mijenja se i glasi:“.

U stavu (3) rečenica: „Dosadašnji stav (4) postaje stav (3)“ mijenja se i glasi: „Stav (3) briše se, a dosadašnji stav (4) postaje stav (3).“

Ad.9. Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu (predlagač: Vijeće ministara BiH, zakon broj: 01,02-02-1-34/15, od 1.3.2016.)

Predsjedavajući je dao uvodne napomene.

Izvještaj Zajedničke komisije oba doma za postizanje identičnog teksta Zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu **usvojen je s 32 glasa „za“** (iz Federacije BiH 24, iz Republike Srpske osam), bez glasova „protiv“ i četiri glasa „suzdržan“. Time su usvojeni i amandmani koji glase:

Amandman I.

U članu 5. Prijedloga zakona kojim se u važećem tekstu Zakona u članu 9. iza stava (2) dodaje stav (3), pa se u navedenom stavu (3) tačka b) alineja 2) mijenja i glasi:

„2) jedan redovni sedmični odmor i jedan skraćeni sedmični odmor u trajanju od najmanje 24 sata. Sedmični odmor vozač je dužan nadoknaditi podjednako dugim neprekinutim periodom odmora najkasnije do kraja treće sedmice od sedmice korištenja skraćenog sedmičnog odmora.“

Amandman II.

U članu 18. rečenica: „U tački j) na kraju teksta dodaju se riječi: „(čl. (7) i (8)).“ briše se.

U istom članu rečenica: „U tački k) na kraju teksta dodaju se riječi: „(čl. 13 stav (3)).“ briše se.

Ad.10. Zahtjev Privremene zajedničke komisije oba doma Parlamentarne skupštine Bosne i Hercegovine za produženje roka za pripremu i upućivanje u parlamentarnu proceduru Prijedloga zakona o parlamentarnom nadzoru, broj: 01,02-50-14-1197-3/16, od 20.7.2016.

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 26 glasova „za“ (iz Federacije BiH 19, iz Republike Srpske sedam), šest „protiv“ i četiri glasa „suzdržan“, odobrio produženje roka Privremenoj zajedničkoj komisiji oba doma Parlamentarne skupštine Bosne i Hercegovine za pripremu i upućivanje u parlamentarnu proceduru Prijedloga zakona o parlamentarnom nadzoru **do kraja 2016. godine.**

Ad.11. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2015. godinu, materijal Ministarstva vanjske trgovine i ekonomskih odnosa BiH, broj: 01,02-28-1927/16, od 14.7.2016.

Predsjedavajući je dao uvodne napomene i otvorio raspravu. U raspravi su učestvovali: Jasmin Emrić, Safer Demirović, Zaim Backović, Nermine Kapetanović i Salko Sokolović.

Zaključke su predložili: Komisija za vanjsku trgovinu i carine, Zajednička komisija za evropske integracije PSBiH i poslanik Jasmin Emrić.

Dom je, s 30 glasova „za“ (iz Federacije BiH 22, iz Republike Srpske osam), četiri „protiv“ i dva glasa „suzdržan“, usvojio Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2015. godinu.

Predsjedavajući je dao na glasanje prijedloge zaključaka.

Zaključak Komisije za vanjsku trgovinu i carine usvojen je s 30 glasova „za“ (iz Federacije BiH 23, iz Republike Srpske sedam), tri „protiv“ i četiri glasa „suzdržan“, koji glasi: ***„Zadužuje se Ministarstvo vanjske trgovine i ekonomskih odnosa BiH da u buduće godišnje izvještaje iz oblasti poljoprivrede, ishrane i ruralnog razvoja za Bosnu i Hercegovinu ugradi sve eventualne primjedbe i sugestije koje dođu od entitetskih ministarstava i Brčko Distrikta BiH.“***

Zaključci Zajedničke komisije za evropske integracije usvojeni su s 31 glasom „za“ (iz Federacije BiH 23, iz Republike Srpske osam), četiri „protiv“ i dva glasa „suzdržan“. Zaključci glase:

- 1. Podržavaju se aktivnosti nadležnih institucija Bosne i Hercegovine koje imaju za cilj unapređenje poljoprivredne proizvodnje i ostvarivanje uslova za izvoz poljoprivredno-prehrambenih proizvoda na tržište EU.***
- 2. Od nadležnih institucija traži se da preduzmu potrebne mjere koje bi adekvatno odgovorile na sljedeća pitanja:***
 - potreba bolje kontrole granica, naročito pri uvozu poljoprivrednih proizvoda u BiH;*
 - usmjeravanje sredstava iz prelevmana u poljoprivrednu proizvodnju;*
 - potreba za povećanjem podsticaja za naše poljoprivredne proizvode;*
 - zalaganje za povećanje proizvodnje, posebno plasteničke;*
 - izradu programa proizvodnje;*
 - kampanje za promociju domaćih proizvoda.*
- 3. Od Ministarstva vanjske trgovine i ekonomskih odnosa BiH očekuje se da posebnu pažnju posveti realizaciji zadataka iz Godišnjeg izvještaja iz oblasti poljoprivrede, ishrane i ruralnog razvoja za BiH za 2015. godinu:***
 - izrada i usvajanje ključnih zakona;*
 - izrada strateškog plana ruralnog razvoja;*
 - unapređenje poljoprivredne statistike i informacionog sistema;*
 - usklađivanje sistema zemljišnih registara i unapređenje procesa upravljanja zemljištem;*
 - uspostava operativne strukture za korištenje pretpristupnih fondova EU;*
 - jačanje administrativnih kapaciteta i struktura za koordinaciju u okviru sektora poljoprivrede i ruralnog razvoja, uključujući i mjere podrške;*
 - dostizanje potrebnog nivoa standarda kvaliteta i sigurnosti hrane za nesmetanu trgovinu poljoprivrednom robom i izvoz sve robe životinjskog porijekla na tržište EU.*
- 4. Od Ministarstva vanjske trgovine i ekonomskih odnosa BiH očekuje se da u narednom periodu intenzivira aktivnosti na ispunjavanju sljedećih uslova za izvoz hrane (kako je navedeno u Godišnjem izvještaju iz oblasti poljoprivrede, ishrane i ruralnog razvoja za BiH za 2015.), te o tome izvijesti Parlamentarnu skupštinu BiH do kraja 2016. godine:***

- *realizirati preporuke Agencije za hranu i veterinarstvo (FVO) iz revidiranog Akcionog plana za izvoz mesa peradi i konzumnih jaja u EU koji su bh. vlasti pripremile,*
- *realizirati u potpunosti sve aktivnosti definirane u Mapi puta s ciljem stvaranja uslova za izvoz proizvoda životinjskog i biljnog porijekla,*
- *izraditi i usvojiti propise i mjere za uvođenje tržišnih standarda kvaliteta u skladu s evropskim i standardima OECD-a (tržišni standardi za voće i povrće, žitarice, meso i mlijeko), odnosno sa standardima organizacije zajedničkog tržišta EU,*
- *ojačati lanac upravljanja i sistem službene kontrole hrane i hrane za životinje koji je usklađen s evropskim standardima i centralnu bazu podataka,*
- *organizirati i provesti niz obuka za subjekte u poslovanju s hranom po standardima EU o kontroli kvaliteta,*
- *u oblasti ribarstva ubrzati aktivnosti na usklađivanju domaćeg zakonodavstva kojima se uređuje ova oblast i uložiti dodatne napore u provođenju acquisa za oblast akvakulture.*

Zaključak poslanika Jasmina Emrića, s 23 glasa „za“ (iz Federacije BiH 20, iz Republike Srpske tri), sedam „protiv“ i sedam glasova „suzdržan“, nije dobio potrebnu entitetsku većinu u prvom krugu glasanja. Kolegij kao komisija odmah je obavio usaglašavanje. Nije bilo saglasnosti. U drugom krugu glasanja, s 22 glasa „za“, devet „protiv“ (iz Federacije BiH jedan, iz Republike Srpske osam) i šest glasova „suzdržan“, zaključak je usvojen, a on glasi: *„Predstavnički dom Parlamentarne skupštine BiH, u skladu s naglašenom potrebom uključivanja visokog političkog nivoa u tački 5.3.2. Godišnjeg izvještaja iz oblasti poljoprivrede, ishrane i ruralnog razvoja za 2015. godinu, traži od predsjedavajućeg Vijeća ministara BiH da, u saradnji s Ministarstvom vanjske trgovine i ekonomskih odnosa BiH, u roku od 30 dana, organizira sastanak s predsjednikom Vlade Federacije BiH, predsjednikom Vlade Republike Srpske, predsjednikom Vlade Brčko Distrikta BiH, ministrima za poljoprivredu i finansije entiteta i Brčko Distrikta BiH radi usaglašavanja i konačnog uspostavljanja modela operativne strukture IPARD-a u Bosni i Hercegovini.“*

Ad.12. Izvještaj o radu Agencije za prevenciju korupcije i koordinaciju borbe protiv korupcije za 2015. godinu, broj: 05/8-50-19-1157/16, od 15.4.2016.

Nakon uvodnih napomena, predsjedavajući je otvorio raspravu. Diskutirali su Nikola Lovrinović i Jasmin Emrić.

Dom je, s 29 glasova „za“ (iz Federacije BiH 22, iz Republike Srpske sedam), bez glasova „protiv“ i osam glasova „suzdržan“, usvojio Izvještaj o radu Agencije za prevenciju korupcije i koordinaciju borbe protiv korupcije za 2015. godinu.

Na prijedlog Zajedničke komisije za evropske integracije, s 30 glasova „za“ (iz Federacije BiH 23, iz Republike Srpske sedam), dva „protiv“ i pet glasova „suzdržan“, usvojen je zaključak koji glasi:

1. *Podržavaju se aktivnosti Agencije za prevenciju korupcije i koordinaciju borbe protiv korupcije (uključujući Izvještaj o radu Agencije za 2015. godinu) i zadužuje se Agencija da do kraja godine pripremi izvještaj o provođenju Strategije za borbu protiv korupcije 2015. – 2019. i dostavi ga Parlamentarnoj skupštini BiH. Traži se*

od Agencije da u izvještaju o provođenju Strategije za borbu protiv korupcije 2015. – 2019. posebnu pažnju posveti sljedećim pitanjima:

- a) organiziranom i koordiniranom djelovanju svih institucija zakonodavne, izvršne i sudske vlasti na svim nivoima u BiH kako bi bio ostvaren napredak u borbi protiv korupcije i organiziranog kriminala;*
- b) ispunjavanju preuzetih obaveza iz GRECO-a, FATF-a, MONEYVAL-a i drugih inicijativa;*
- c) kontinuiranom radu na unapređenju pravnog i strateškog okvira u prevenciji i borbi protiv korupcije i organiziranog kriminala;*
- d) materijalnom osnovu za rad policijskih službenika, sudija i tužilaca na nižim nivoima vlasti, te usklađivanju plaća i naknada.*

Ad.13. Izvještaj o pojavama diskriminacije u Bosni i Hercegovini s Akcionim planom za realizaciju prijedloga mjera za sprečavanje diskriminacije u Bosni i Hercegovini, podnosilac: Ministarstvo za ljudska prava i izbjeglice BiH, materijal broj: 03/6-37-1569-1/16, od 1.6.2016.

Nakon uvodnih napomena, predsjedavajući je otvorio raspravu. Nije bilo prijavljenih.

Dom je, s 28 glasova „za“ (iz Federacije BiH 20, iz Republike Srpske osam), četiri „protiv“ i pet glasova „suzdržan“, usvojio Izvještaj o pojavama diskriminacije u Bosni i Hercegovini s Akcionim planom za realizaciju prijedloga mjera za sprečavanje diskriminacije u Bosni i Hercegovini.

Ad.14. Analiza reforme obrazovanja u Bosni i Hercegovini, materijal Vijeća ministara BiH, broj: 01-50-1-415/16, od 14.7.2016. (realizacija poslaničke inicijative usvojene na 25. sjednici Predstavničkog doma PSBiH, održanoj 16.2.2016.)

Predsjedavajući je dao uvodne napomene i otvorio raspravu. Diskutirali su Monika Tomić i Nikola Lovrinović.

U raspravi je Nikola Lovrinović predložio zaključke.

Nakon rasprave, predsjedavajući je Analizu stavio na glasanje. Dom, s 15 glasova „za“ (iz Federacije BiH sedam, iz Republike Srpske osam), 16 „protiv“ i šest glasova „suzdržan“, nije primio k znanju Analizu reforme obrazovanja u Bosni i Hercegovini.

S obzirom na to da materijal nije primljen k znanju, o prijedlogu zaključaka Nikole Lovrinovića nije se glasalo. Prijedlozi zaključaka glase:

1. Predstavnički dom traži od Ministarstva civilnih poslova BiH i resornih entitetskih i kantonalnih ministarstava osnaživanje rada Konferencije ministara, što podrazumijeva njihovo redovno zasjedanje, najmanje svaka dva mjeseca.
2. Predstavnički dom traži podnošenje izvještaja o radu Konferencije ministara najmanje dva puta godišnje Vijeću ministara i jedanput Parlamentarnoj skupštini BiH.

Ad.15. Izvještaj o utvrđivanju Rang-liste kandidata za imenovanje direktora i dva zamjenika direktora Agencije za prevenciju korupcije i koordinaciju borbe protiv korupcije, materijal Komisije za izbor i praćenje rada Agencije za prevenciju korupcije i koordinaciju borbe protiv korupcije, broj: 01,02-34-1-1932/16, od 13.7.2016.

Predsjedavajući je dao uvodne napomene i otvorio raspravu. U raspravi su učestvovali: Mirsad Isaković, Dušanka Majkić, Damir Arnaut, Zaim Backović i Hanka Vajzović.

Dom je, s 22 glasa „za“ (iz Federacije BiH 14, iz Republike Srpske osam), devet „protiv“ i šest glasova „suzdržan“, imenovao Hasima Šabotića za direktora, te Dragana Slipca i Dragana Anđelića za zamjenike direktora Agencije za prevenciju korupcije i koordinaciju borbe protiv korupcije.

Ad.16. Izbor člana Visokog sudskog i tužilačkog vijeća BiH, u skladu s članom 4. stav (1) tačka n) Zakona o Visokom sudskom i tužilačkom vijeću Bosne i Hercegovine, materijal Visokog sudskog i tužilačkog vijeća BiH, broj: 01-08-1968/16, od 20.7.2016.

Predsjedavajući je dao uvodne napomene i otvorio raspravu. U raspravi su učestvovali: Damir Bećirović, Zaim Backović, Dušanka Majkić, Aleksandra Pandurević, Lazar Prodanović, Mladen Bosić i Borjana Krišto.

Dom je, s 22 glasa „za“ (iz Federacije BiH 14, iz Republike Srpske osam), osam „protiv“ i sedam glasova „suzdržan“, izabrao Milijanu Buhu za članicu Visokog sudskog i tužilačkog vijeća BiH.

Ad.17. Izvještaj o utvrđivanju prijedloga kandidata za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, materijal Privremene zajedničke komisije oba doma PSBiH za provođenje procedure za imenovanje jednog predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije, broj: 01,02-374-1-1963/16, od 19.7.2016.

Nakon uvodnih napomena, otvorena je rasprava. Nije bilo prijavljenih.

S 23 glasa „za“ (iz Federacije BiH 15, iz Republike Srpske osam), deset „protiv“ i četiri glasa „suzdržan“, Predstavnički dom imenovao je Voju Višekrunu za predstavnika akademske zajednice u Komisiju za izbor i praćenje rada Agencije za prevenciju korupcije i koordinaciju borbe protiv korupcije.

Ad.18. Prijedlog zaključka o formiranju Interresorne radne grupe, predlagač: Zajednički kolegij oba doma PSBiH, broj: 01,02-34-1-1982/16, od 20.7.2016.

Nakon uvodnih napomena, otvorena je rasprava. Nije bilo prijavljenih.

Dom, s 13 glasova „za“ (iz Federacije BiH pet, iz Republike Srpske osam), 21 „protiv“ i tri glasa „suzdržan“, nije usvojio Prijedlog zaključka o formiranju Interresorne radne grupe.

Ad.19. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure izbora tri člana Upravnog odbora Agencije za razvoj visokog obrazovanja i osiguranje kvaliteta, predlažak: Zajednički kolegij oba doma PSBiH, broj: 01,02-34-1-1838-3/16, od 20.7.2016.

Nakon uvodnih napomena, otvorena je rasprava. U raspravi su učestvovali: Zaim Backović, Hanka Vajzović i Damir Arnaut.

Dom je, s 23 glasa „za“ (iz Federacije BiH 16, iz Republike Srpske sedam), osam „protiv“ i šest glasova „suzdržan“, usvojio Zaključak o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure izbora tri člana Upravnog odbora Agencije za razvoj visokog obrazovanja i osiguranje kvaliteta, te za članove imenovao poslanike: Nenada Lalića, Mirsada Donlagića i Predraga Kožula.

Ad.20. Davanje saglasnosti za ratifikaciju Sporazuma između Vijeća ministara BiH i Vlade Kraljevine Saudijske Arabije o saradnji u oblasti borbe protiv kriminala, materijal Predsjedništva BiH, broj: 01,02-05-2-1974/16, od 20.7.2016.


Nakon uvodnih napomena, otvorena je rasprava. Diskutirala je Dušanka Majkić.

Predstavnički dom je, s 34 glasa „za“ (iz Federacije BiH 26, iz Republike Srpske osam), tri „protiv“ i bez glasova „suzdržan“, dao saglasnost za ratifikaciju Sporazuma između Vijeća ministara BiH i Vlade Kraljevine Saudijske Arabije o saradnji u oblasti borbe protiv kriminala.

Sjednica je završena u 17,40 sati.

Sastavni dio Zapisnika je transkript 34. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja


PREDSJEDAVAJUĆI
PREDSTAVNIČKOG DOMA
Mladen Bosić

